

Последование вечерни в Великую Пятницу Страстной седмицы для келейного (домашнего) совершения

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Безсмертный, помилуй нас. *(Трижды)*. Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради. Господи, помилуй *(Трижды)*. Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех! Да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй *(12 раз)*. Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареве нашему Богу.

Приидите, поклонимся и припадем Христу, Цареве нашему Богу.

Приидите, поклонимся и припадем Самому Христу, Цареве и Богу нашему.

103 Псалом

Благослови, душе моя, Господа. Господи, Боже мой, возвеличился еси зело. Во исповедание и в велелепоту облеклся еси. Одейся светом, яко ризою, простираяй небо, яко кожу. Покрываяй водами превыспрeнняя Своя, полагаяй облаки на восхождение Свое, ходяй на крилу ветреню. Творяй Ангелы Своя духи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещения

Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егоже не прейдут, ниже обратятся покрыти землю. Посылаяй источники в дебрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды камня дадут глас. Напаяяй горы от превыспренних Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил еси луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающие, восхитити и взыскати от Бога пищу себе. Возсия солнце и собращася и в ложах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоя. Сие море великое и пространное, тамо гади, имже несть числа, животная малая с великими, тамо корабли преплавают, змий сей, егоже создал еси ругатися ему. Вся к Тебе чают, дати пищу им во благо время. Давшу Тебе им соберут, отверзшу Тебе руку всяческая исполнятся благодати, отвращшу же Тебе лице, возьмутся, отымеши дух их, и исчезнут, и в персть свою возвратятся. Послещи Духа Твоего, и созиждутся, и обновиши лице земли. Буди слава Господня во веки, возвеселится Господь о делех Своих, призираяй на землю, и творяй ю трястися, прикасаяйся горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа.

Слава Отцу и Сыну и Святому Духу, и ныне и присно и во веки веков. Аминь. Аллилуия, аллилуия, аллилуия, слава Тебе, Боже (*Трижды*). Господи, помилуй (*Трижды*).

Стихиры на Господи воззвах

Глас 1: Вся тварь изменяшеся страхом, зрящи Тя на Кресте висима, Христe: солнце омрачашеся, и земли основания сотрясахуся, вся сострадаху Создавшему вся. Волею нас ради претерпевый Господи, слава Тебе. (2 раза)

Глас 2: Людиe злочестивии и беззаконнии, вскую поучаются тщетным? Вскую Живота всех на смерть осудиша? Велие чудо, яко Создатель мира в руки беззаконных предаётся, и на древо возвышается Человеколюбец, да яже во аде узники свободит, зовущия: долготерпеливе Господи, слава Тебе.

Днесь зрящи Тя Непорочная Дева, на Кресте, Слове, возвышаема, рыдаючи матернею утробою, уязвляшеся сердцем горце, и стелящи болезненно из глубины души, лице со власы терзаючи. Темже и перси биючи, взываше жалостно: увы Мне, Божественное Чадо! Увы Мне, Свете мира! Что зашел еси от очию Моёю, Агнче Божий? Темже воинства безплотных, трепетом содержи ми бяху, глаголюще: Непостижиме Господи, слава Тебе.

На древе видящи висима, Христe, Тебе всех Зиждителя и Бога, безсеменно Рождающая Тя вопияше горько: Сыне Мой, где доброта зайде зрака Твоего? Не терплю зрети Тя неправедно распинаема. Потщися убо, востани, яко да вижу и аз Твое из мертвых тридневное Воскресение.

Глас 6: Днесь Владыка твари предстоит Пилату, и Кресту предаётся Зиждитель всех, яко агнец приводимь Своёю волею. Гвоздьми пригвождается, и в ребра прободается, и губою напоётся манну одождивый, по ланите заушается Избавитель мира, и от Своих раб поругается Создатель всех. О Владычняго Человеколюбия! О распинающих моляше Своего Отца, глаголя: Отче, остави им грех сей, не ведят бо, беззаконнии, что неправедное содевают.

Слава Отцу и Сыну и Святому Духу глас тойже: О како беззаконное сонмище, Царя твари осуди на смерть, не устыдётся благодеяния, яже воспоминая предутверждалаше, глаголя к ним: людиe Мои, что сотворих вам? Не чудес ли исполних Иудею? Не мертвецы ли воскресих едином словом? Не всякую ли болезнь исцелих и недуг?

Что́ убо Ми воздае́т? Вскую́ не по́мните Мя? За исцелéния раны́ Мне наложи́вше, за живóт умерщвля́юще, вéшающе на дрéве, я́ко злоде́я, Благоде́теля, я́ко беззакóнна, Законода́вца, я́ко осужде́нна, всех Царя́. Долготерпели́ве Го́споди, сла́ва Тебе́.

И ныне и присно и во веки веков. Аминь. глас тойже: Стра́шное и пресла́вное та́инство днесь де́йствуемо зр́ится: неосязáемый удерживáется, вяжетсá, разрешáяй Ада́ма от кля́твы, испытúяй сердца́ и утрóбы, неправедно испытúется, в темни́це затворя́ется, Иже бéздну затвори́вый, Пилáту предсто́ит, Емúже трéпетом предстоя́т небéсныя с́илы, заушáется руко́ю создáния Созда́тель, на дрéво осужда́ется, судя́й живы́м и мёртвым, во грóбе заключа́ется Разорíteль áда. И́же вся терпя́й милосéрдно и всех спасýй от кля́твы, Незло́биве Го́споди, сла́ва Тебе́.

Свете Тихий

Свéте Тíхий святы́я сла́вы Безсмёртнаго Отца́ Небéснаго, Свята́го, Блаже́ннаго, Иисúсе Христé! Прише́дше на за́пад со́лнца, ви́девше свет вечер́ний, поём Отца́, Сы́на и Свята́го Ду́ха, Бо́га. Досто́ин еси́ во вся времена́ пет бы́ти гласы́ преподо́бными, Сы́не Бо́жий, живóт дай; те́мже мир Тя сла́вит.

Прокимен, глас 4:

Раздели́ша рíзы Моя́ себе́, и о оде́жди Моéй метáша жрéбий.

Стих: Бо́же, Бо́же Мой, вонми́ Ми, вскую́ оста́вил Мя еси́?

Раздели́ша рíзы Моя́ себе́, и о оде́жди Моéй метáша жрéбий.

ПАРЕМ́ИИ (Пророчества из Ветхого Завета)

Исхода чтение

[Глава 33, ст. 11 – 23].

Глаго́ла Господь к Моисéю лицéм к лицу́, я́коже áще бы кто возглаго́лал к своему́ дру́гу, и отпу́щашеся в полк: слугá же Иисúс сын Нави́н, ю́ноша не исхожда́ше из ски́нии. И рече́ Моисей ко Го́споду: се Ты мне глаго́леши, изведи́ лю́ди сия́. Ты же не яви́л ми еси́, когó по́слеши со мно́ю. Ты же мне рекл еси́: вем тя па́че всех, и благода́ть имаши у Мене́. Áще у́бо обрето́х благода́ть пред Тобо́ю, яви́ ми Тебе́ Сама́го, да разу́мно ви́жду Тя: я́ко да обрёт б́уду благода́ть пред Тобо́ю, и да позна́ю, я́ко лю́дие Твои́ язы́к вели́к сей.

И глагола [ему Господь]: Аз Сам предыду пред Тобою, и упокою тя. И рече к Нему Моисей: аще Сам Ты не идещи с нами, да не изведеши мя отсюда. И како ведомо будет воистинну, яко обретох благодать у Тебе, аз же и людие Твои, точно идущу Ти с нами; и прославлен буду, аз же и людие Твои, паче всех язык, елицы суть на земли? Рече же Господь к Моисею: и сие тебе слово, еже рекл еси, сотворю: обрел бо сей благодать предо Мною, и вем тя паче всех. И глагола Моисей: покажи ми славу Твою. И рече [Господь к Моисею]: Аз предыду пред тобою славою Моєю, и воззову о имени Моём, Господь пред тобою: и помилую, егже аще милую: и ущедрю, егже аще щедрю. И рече: не возможеши видети Лица Моего, не бо узрит человек Лице Моё, и жив будет. И рече Господь: се место у Мене, и станеша на камени. Егда же прейдет Слава Моя, и положу тя в раселине камени, и покрью рукою Моєю над тобою, дондеже мимоиду. И отыму руку Мою, и тогда узриши задняя Моя: Лице же Моё не явится Тебе.

Прокимен, глас 4: Суди, Господи, обидящая мя, побори борющая мя. **Стих:** Приими оружие и щит, и востани в помощь мою. **Стих:** Суди, Господи, обидящая мя.

Иова чтение

[Глава 42, ст. 12 – 17]

Господь благослови последняя Иовля, неже прежняя: бяху же скоти его, овец четырнадцать тысяч, вельблюдов шесть тысяч, супруг волон тысяч, ослиц стадных тысяч. Родила же ся ему сынове семь, и дщери три. И нарече первую убо, День: вторую же Кассию: третью же, Амалфеев рог. И не обретошася подобнии в лепоте дщерем Иовлевым в поднебесней: даде же им отец наследие в братии их. Поживе же Иов по язве лет сто семьдесят: всех же лет поживе двести сорок восемь. И виде Иов сыны своя, и сыны сынов своих, даже до четвертого рода. И скончаша Иов стар, и исполнь дней. Писано же есть паки, востати ему, с нимиже Господь возставит и: тако толкуется от сирския книги. В земли убо живый Авситидийстей, на пределех Идумии и Аравии: прежде же быше имя ему Иовав. Взем же жену аравланню, роди сына, емуже имя Енон. Бе же той отца убо Зарефа, Исавовых сынов сын, матере же Восорры, якоже быти ему пятому от Авраама.

Пророчества Исаиина чтение
[Глава 52, ст. 13 – 15; 53:1 – 12; 54:1]

Тако глаголет Господь: се уразумеет отрок Мой, и вознесется и прославится zelo. Якоже ужаснутся о Тебе мнози, тако обезславится от человек вид Твой, и слава Твоя от сынов человеческих. Тако удивятся языцы мнози о Нем, и заградят царие уста своя. Яко имже не возвестися о Нем, узрят, и иже не слышаша, уразумеют. Господи, кто верова слуху нашему? И мьшца Господня кому открыся? Возвестихом, яко Отроча пред ним, яко корень в земли жаждущей, несть вида Ему, ниже славы: и видехом Его, и не имяше вида, ни доброты. Но вид Его безчестен, умален паче всех сынов человеческих: человек в язве сый, и ведый терпети болезнь, яко отвратися Лице Его, безчестно бысть, и не вменися. Сей грехи наша носит, и о нас болезнует, и мы вменихом Его быти в труде, и в язве от Бога, и во озлоблении. Той же язвен бысть за грехи наша, и мучен бысть за безакония наша, наказание мира нашего на Нем, язвою Его мы исцелехом. Все яко овцы заблудихом: человек от пути своего заблуди, и Господь предаде Его грех ради наших. И Той, зане озлоблен бысть, и не отверзает уст Своих: яко овча на заколение ведеса, и яко агнец пред стригущим Его безгласен, тако не отверзает уст Своих. Во смирении Его суд Его взятся, род же Его кто исповесть? Яко вземлется от земли живот Его, ради безаконий людей Моих ведеса на смерть. И дам лукавыя вместо погребения Его, и богатыя вместо смерти Его: яко безакония не сотвори, ниже обретеса леств во устех Его. И Господь хощет очистити Его от язвы: аще дастся о гресе, душа ваша узрит семя долгоживотное. И хощет Господь рукою Своєю отъяти болезнь от души Его, явити Ему свет, и создати разумом, оправдати праведнаго благослужаща многим, и грехи их Той понесет. Сего ради Той наследит многих, и крепких разделит корысти: зане предана бысть на смерть душа Его, и со безаконными вменися, и Той грехи многих вознесет, и за безакония их предан бысть. Возвеселися неплоды, нераждающая, возгласи и возопий, нечревоболевшая, яко многа чада пустыя паче, нежели имущая мужа.

Прокимен глас 6:

Положиша Мя в рове преисподнем, в темных и сени смертней.

Стих: Гóсподи, Бóже спасéния Моегó, во дни воззвáх и в нощí пред Тобóю.

Положíша Мя в рóве преиспóднем, в тёмных и сéни смёртней.

Послание к Коринфянам [Глава 1, ст. 18- Глава II, 2]

Брáтие, слóво крéстное погибáющим úбо юрóдство есть, а спасаéмым нам сíла Бóжия есть. Пíсано бо есть: погублю премúдрость премúдрых, и рáзум разумных отвéргу. Где премúдр? Где кнíжник? Где совопрóсник вéка сего? Не обуи ли Бог премúдрость мíра сего? Понéже бо в премúдрости Бóжией не разумé мир премúдростию Бóга, благоизвóлил Бог буйством проповеди спасти вéрующих. Понéже и иудее знамения просят, и ёллини премúдрости ищут: Мы же проповéдуем Христа распята, иудеем úбо соблазн, ёллином же безúмие. Самём же звáнным, иудеем же и ёллином, Христа, Бóжию сíлу и Бóжию премúдрость. Занé бóе Бóжие, премúдрее человек есть, и немощное Божие крепчае человек есть. Вíдите бо звáние вáше, брáтие, я́ко не мнóзи ли премúдри по плóти; не мнóзи сíльни; не мнóзи ли благородни. Но буйя мíра избрá Бог, да премúдрыя посрамíт, и нёмощная мíра избрá Бог, да посрамíт крéпкая. И худорóдная мíра, и уничижéнная избрá Бог, и не сущая, да сущая упразднít, я́ко да не похвáлится всяка плоть пред Бóгом. Из негоже вы есте о Христé Иисúсе, иже бысть нам премúдрость от Бóга, правда же и освящéние, и избавлéние. Да, я́коже пишется, хваля́йся, о Гóсподе да хвáлится. И аз пришéd к вам, брáтие, приидóх не по превосхóдному словеси, или премúдрости, возвещая вам свидéтельство Бóжие. Не судих бо вéдети что в вас, тóчию Иисúса Христа, и Сего распята.

Аллилу́иа, аллилу́иа, аллилу́иа.

Стих: Спаси́ Мя, Бóже, я́ко внидо́ша вóды до душí Моея. Аллилу́иа, аллилу́иа, аллилу́иа.

Стих: Поношéние чáяше душá моя́ и страсть. Аллилу́иа, аллилу́иа, аллилу́иа.

Стих: Да помрачáтся óчи их, ёже не вíдети. Аллилу́иа, аллилу́иа, аллилу́иа.

Евангелие от Матфея [Глава 28, ст. 1-44], Евангелие от Луки [Глава 23, ст. 39-43], Евангелие от Матфея [Глава 27, ст. 45-54], Евангелие от Иоанна [Глава 19, ст. 31-37], Евангелие от Матфея [Глава 27, ст. 55-61]

Слава Страстем Твоим, Господи.

Во время оно, совет сотвориша вси архиерее и старцы людстии на Иисуса, яко убить Его. И связавше Его ведоша, и предаша Его Понтийскому Пилату игемону. Тогда видев Иуда предавый Иисуса, яко осудиша Его, раскаявся возврати тридесять сребреники архиереем и старцем, глаголя: согреших, предав кровь неповинную. Они же реша: что есть нам? Ты узриши. И поверг сребреники в церкви, отиде, и шед удавися. Архиерее же приемше сребреники, реша: недостойно есть вложити их в корвану, понеже цена крове есть. Совет же сотворше, купиша ими село скудельниче, в погребание странным. Темже наречеса село то, село крове, до сего дне. Тогда сбытся реченное Иеремием пророком, глаголющим: и приыша тридесять сребреник, цену Цененнаго, Егоже ценйша от сынов Израилев. И даша я на селе скудельничи, якоже сказа мне Господь. Иисус же ста пред игемоном. И вопроси Его игемон, глаголя: Ты ли еси Царь Иудейский? Иисус же рече ему: ты глаголеши. И егда Нань глаголаху архиерее и старцы, ничесоже отвещаваше. Тогда глагола Ему Пилат: не слышиши ли, колико на Тя свидетельствуют? И не отвеща ему ни к единому глаголу, яко дивитися игемону зело. На всяк же праздник обычай бе игемону отпущати единого народу связня, егоже хотяху. Имяху же тогда связана нарочита, глаголемаго Варавву. Собранным же им, рече им Пилат: кого хощете от обою отпущу вам; Варавву ли, или Иисуса глаголемаго Христа? Ведяше бо, яко зависти ради предаша Его. Сядящу же ему на судищи, посла к нему жена его, глаголющи: ничтоже тебе, и Праведнику Тому, много бо пострадах днесь во сне Его ради. Архиерее же и старцы наустйша народы, да испросят Варавву, Иисуса же погубят. Отвещав же игемон рече им: кого хощете от обою отпущу вам? Они же реша: Варавву. Глагола им Пилат: что убо сотворю Иисусу, глаголемому Христу? Глаголаша ему вси: да распят будет. Игемон же рече: кое убо зло сотвори? Они же излиха вопияху, глаголюще: да пропят будет. Видев же Пилат, яко ничтоже успевает, но паче молва бываает, приемь воду,

умы́ рѹце пред наро́дом, глаго́ля: неповінен есмь от кро́ве
 Пра́веднаго Сего́, вы ўзрите. И отвещавше вси лю́дие, рѣша: кровь
 Егó на нас, и на ча́дех на́ших. Тогда́ отпусти́ им Варавву: Иисуса́ же
 бив, предаде́ им, да Егó про́пнут. Тогда́ во́ини игемо́новы, приѣмше
 Иисуса́ на суди́ще, собра́ша Нань все мно́жество во́ин. И совлѣкше
 Егó, оде́яша Егó хламíдою червлѣною. И сплѣтше венѣц от тѣрния,
 возложи́ша на главѹ Егó, и трость в десни́цу Егó. И поклóньшеся на
 колѣну пред Ним, руга́хуся Ему́, глаго́люще: ра́дуйся, Царю́
 Иудѣйский. И плю́нувшѣ Нань, при́яша трость, и бия́ху по главѣ Егó.
 И егда́ поруга́шася Ему́, совлекóша с Него́ багряни́цу, и облекóша Егó
 в рíзы Егó, и ведóша Егó на пропѣ́тие. Исходя́ще же обрето́ша
 челове́ка Кири́нейска, і́менем Сі́мона: и сему́ задѣша понести́ крест
 Егó. И прише́дше на мѣсто нарица́емое Голго́фа, е́же есть Кра́ниевое
 мѣсто, да́ша Ему́ пи́ти о́цет с жѣлчию сме́шен, и вкушь не хотя́ше
 пи́ти. Распѣ́ншии же Егó раздели́ша рíзы Егó, ве́ргше жрѣ́биа. И
 сидя́ще стрежа́ху Егó ту. И возложи́ша верху́ главы́ Егó вину́ Егó
 напи́сану: Сей есть Иисус, Царь Иудѣйский. Тогда́ распя́ша с Ним два
 разбо́йника: еди́наго одесну́ю, и еди́наго ошу́юю. Еди́н же от
 обе́шеною злоде́ю ху́ляше Егó, глаго́ля: а́ще Ты еси́ Христóс, спаси́
 Себе́ и на́ю. Отвещав же други́й, преща́ше ему́, глаго́ля: ни ли ты
 бойши́ся Бо́га, я́ко в то́мже осужде́н еси́? И мы́ ўбо в пра́вду:
 досто́йна бо по делóм на́ю восприѣ́млева: Сей же ни еди́наго зла
 сотвори́. И глаго́лаше Иисусови: помяни́ мя, Го́споди, егда́ при́деши
 во Ца́рствии Си. И рече́ ему́ Иисус: ами́нь глаго́лю тебе́, днесь со
 Мнóю бѹдеши в рай. Мимоходя́щии же ху́ляху Егó, покива́юще
 глава́ми сво́ими, и глаго́люще: разоря́й це́рковь и тремі́ дѣньми
 созида́й, спаси́ся Сам: а́ще Сын еси́ Бо́жий, сніди со креста́.
 Та́кожде же и архиере́е руга́ющеся с кни́жники, и ста́рцы, и фарисе́и,
 глаго́лаху: инѣ́я спасе́, Себе́ ли не мо́жет спасти́? Аще Царь Изра́илев
 есть, да снідет ны́не со креста́, и ве́руем в Него́. Упова́ на Бо́га: да
 изба́вит ны́не Егó, а́ще хо́щет Ему́: рече́ бо, я́ко Бо́жий есмь Сын.
 То́жде же и разбо́йника распя́тая с Ним поноша́ста Ему́. От шеста́го
 же часа́ тьма бысть по всей землі́, до часа́ девя́таго. О девя́тем же
 часѣ возопі́ Иисус гласом ве́лиим, глаго́ля: Или́, Или́, лимá
 савахфа́ни? Е́же есть, Бо́же Мой, Бо́же Мой, вскѹю́ Мя еси́ оста́вил?
 Не́цыи же от ту стоя́щих слѣ́шавше, глаго́лаху, я́ко Илию́ глаша́ет
 Сей. И а́бие тек еди́н от них, и приѣ́м гѹбу, испо́лнив же о́цта, и вонзе́
 на трость, напая́ше Егó. Прóчии же глаго́лаху: оста́ви, да ви́дим, а́ще

приидет Илиа спасти Егó. Иисус же, паки возопив гласом велиим, испустит дух. И се, завеса церковная раздрася на двое, с вышняго края до нижняго; и земля потрясется, и камень распадется. И гробы отверзюшася, и многа телеса усопших святых восташа. И изшедше из гроб по воскресении Егó, внидоша во святый град, и явишася мнозем. Сотник же и иже с ним стрегущии Иисуса, видевшие трус и бывшая, убоишася зело, глаголюще: воистинну Божий Сын бе Сей. Иудее же, понеже пятók бе, да не останут на кресте телеса в субботу, бе бо велик день той субботы, молиша Пилата, да пребиют голени их, и возмут. Приидоша же воины, и первому убо пребиша голени, и другому распятому с Ним. На Иисуса же пришедше, яко видеша Егó уже умерша, не пребиша Ему голений. Но един от воин копием ребра Ему прободет, и абие изыде кровь и вода. И видевый свидетьствова, и истинно есть свидетьство егó, и той вест, яко истину глаголет, да вы веру имете. Быша бо сия, да сбудется Писание: кость не сокрушится от Него. И паки другое Писание глаголет: воззрят Нань, Егóже прободоша. Бяху же ту и жены многи издалече зряще, яже идоша по Иисусе от Галилеи, служаще Ему. В нихже бе Мария Магдалина и Мария Иаковля, и Иосии матери, и матери сыну Зеведеову. Позде же бывшу, прииде человек богат от Аримафеа, именем Иосиф, иже и той учися у Иисуса. Сей приступль к Пилату, просит телесе Иисусова. Тогда Пилат повелет дати тело. И приемь тело Иосиф, обвит е плащаницею чистою, и положит е в новом своем гробе, яже изсечет в камени. И возвалив камень велий над двери гроба, отидет. Бе же ту Мария Магдалина, и другая Мария, сидяще прямо гроба.

Слава долготерпению Твоему, Господи.

Господи, помилуй (12 раз)

Сподоби, Господи

Сподоби, Господи, в вечер сей без греха сохранитися нам. Благословен еси, Господи, Боже отец наших, и хвально и прославлено имя Твое во веки. Аминь.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святей, просвети мя оправданием Твоими.

Господи, милость Твоя во век, дел рукъ Твоею не презри. Тебѣ подобает хвалá, Тебѣ подобает пѣние, Тебѣ слава подобает. Отцу и Сыну и Святому Духу, ныне и присно и во веки веков. Аминь.

Стихиры на стиховне глас 2

Егда от дрéва Тя мёртва, Аримафѣй снят всех Животá, смíрною и плащаницею Тя, Христѣ, обвив, и любовию подвизáшеся, сёрдцем и устнáми Тѣло нетлѣнное Твое облобызáти. Обáче одержимъ страхом, радуясь, вопиáше Ти: слава снизхождѣнию Твоему, Человеколюбче.

Стих: Господь воцарíся, в лёпоту облечёся.

Егда во грóбе нóве за всех положíлся еси, Избáвителью всех, ад всесмехливый, вíдев Тя, ужасёся, верей сокрушíшася, сломíшася вратá, грóби отверзóшася, мёртвии востáша, тогда Адам, благодарственно радуясь, вопиáше Тебѣ: слава снизхождѣнию Твоему, Человеколюбче.

Стих: Ибо утверди вселѣнную, яже не подвижится.

Егда во грóбе плóтски хотя заключíлся еси, Иже естеством Божества пребываяй Неопíсанный и Неопределѣнный, смёрти заключíл еси сокровища, и áдова вся истоцил еси, Христѣ, царствия, тогда и суббóту сию, Божѣственного благословѣния и славы, и Твоея свѣтлости сподóбил еси.

Стих: Дóму Твоему подобает святýня, Господи, в долготу дней.

Егда сíлы зряху Тя, Христѣ, яко прелѣстника от беззакóнных оклеветáема, ужасáхуся неизглагóланному долготерпѣнию Твоему, и кáмень грóба рука́ми запечатанный, íмиже Твоя нетлѣнная рѣбра прободóша. Обáче нашему спасѣнию радующеся вопиáху Ти: слава снизхождѣнию Твоему, Человеколюбче.

Слава Отцу и Сыну и Святому Духу, и ныне и присно и во веки веков. Аминь. **Глас 5:** Тебѣ одѣющагося свѣтом, яко рíзою, снем Иóсиф с дрéва с Никодíмом и, вíдев мёртва нага непогребѣна, благосёрдный плач восприím, рыдая, глагóлаше: увы́ мне,

Сладчайший Иисусе! Егѡже вмале солнце на Крестѣ висима узрѣвшее мраком облагашесе, и земля страхом колебашесе, и раздирашесе церковная завеса, но се ныне вижу Тя, мене ради волею подъемша смерть. Како погребу Тя, Боже мой, или какою плащаницею обвию? Кѡима ли рукама прикоснуса нетленному Твоему Тѣлу? Или кия пѣсни воспою Твоему исходу, Щедре? Величаю Страсти Твоя, песнословлю и погребѣние Твое со Воскресѣнием, зовий: Господи, слава Тебѣ.

Молѣтва праведного Симеона Богоприимца

Ныне отпускаеши раба Твоего, Владыко, по глаголу Твоему, с миром; яко видеста очи мои спасѣние Твое, еже еси уготовал пред лицем всех людей, свет во откровѣние языков, и славу людей Твоих Израиля.

Святой Боже, Святой Крепкий, Святой Безсмертный, помилуй нас (*трижды*). Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради. Господи, помилуй (*трижды*). Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да приидет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропарь, глас 2

Благообразный Иосиф с Древа снем Пречистое Тѣло Твое, плащаницею чистою обвив и вонями, во грѣбе новѣ покрыв положи.

Слава Отцу и Сыну и Святому Духу, и ныне и присно и во веки веков. Аминь.

Мирносицам женам при грѣбе представ, Ангел вопияше: мира мертвым суть прилична. Христос же истлѣния явися чуждѣ.

Господи, помилуй (40 раз).

Небесный Царю, веру утверди, языки укроти, мир умири, град наш добре сохрани: прежде отшедшыя отцы и братию нашу в селениях праведных учини, и нас в покаянии и исповедании приими, яко Благий и Человеколюбец.

Слава Отцу и Сыну и Святому Духу, и ныне и присно и во веки веков. Аминь.

Честнейшую Херувим и славнейшую без сравнения Серафим, без истления Бога Слова рождшую, сущую Богородицу, Тя величаем.

Конец, и Богу слава

